



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Natales Sanctorvm Belgii, & eorundem Chronica
Recapitvatio**

Molanus, Johannes

Dvaci, 1616

Vigesima nona Nouembris.

urn:nbn:de:hbz:466:1-9477

nos putamus. Nam & nummum, & cultrum, & similia, sape in precio habemus, quia putantur huius aut illius fuisse, etiam si obscuram tantum ea de re famam habeamus.

a. *Vide Meierum an. 954.*

b. *Gallie Wismes.*

3º De Sancto Achario, episc. Tornacensi;

Ex catalogo, & Breviario Nouiomensi.

IPSO die, sancti A C H A R I episcopi Nouiomensis & confessoris. Qui suæ diœcèsi, cui tunc tota Tornacensis cœnita erat, laudabiliter & sanctè præfuit ante beatum Eligium. Lectio-nes festi, quod Nouiomus duplex habet, sunt de homilia S. Maximi. Ad sancti & beati patris nostri Acharij laudes addidisse aliquid, decerpisse est. &c.

Vigesima nona Nouembri.

De Sancto Radbodo episcopo Ultraiectino.

Ex historia quæ exstet vigesimo nono Nouembri, accep-ta ab illis qui rebus gestis interfuerent.

IN Dauentria, sancti R A D B O D I Traiectensis episcopi & confessoris. Qui è nobili Franco-rum stirpe Lomagani prognatus, parentes Christianissimos habuit. Nomen eius mysterio non vacat, quod consilij nuncium Latinè reddi potest. A Christo enim mittendus erat optimi consilij legatus ad Frisos, à quibus maternum genus du-xerat. Dux enim Frisonum Radbodus, quem alij regem vocant, matris eius atavus fuit. Primæ æta-tis studia exegit apud Gunterum Coloniensem archie-

archiepiscopum, auunculum suum. Sed cùm illi episcopo res aduersæ accidissent, contulit sese ad Caroli regis Francorum, inde ad Ludouici filij eius aulam, eo quod intra regis palatium studijs præcesset Nanno philosophus: sub quo etiam condiscipulos habuit Stephanum & Mancionem, postea Tungensem & Cabilonensem episcopos. Mortuo autem Egilberto præsule Traiectensi, cleri, regis Arnulphi, principum, & populi studio, atque voluntate, vir sanctus huius successor creatur, primò quidem huīis rei ignarus, postea verò multum reluctans. Raptus autem ad cathedram honoris, motibus addidit in aiora etiam ornamenta, perfecteque regularis fit monachus Bidiuanis, triduaniisque ieconijs, animum paſcebat, corpusque vilibus sustentabat alimentis. Vnde semel aqua quam bibebat, dum eam aliis gustaret, renouato miraculo, in vinum est conuersa. Pauperibus ferè quotidie pedes lauabat, & humanitatis officia exhibebat. A rege invitatus ut aliquid ei officij præstaret, comiter respondit, Episcoporum non esse sacerdotalibus implicari negotijs. Præcedentium patrum exempla cupidissime sectabantur. Texebat de illis hymnos, & encomia. Exstat etiam integrum beatissimi Martini officium ab ipso compositum. Nullis ynquam frangebatur aduersis. Sed Danos, cum eum in gregis visitatione impedirent, diuinitus puniuit. Sapientiusque Dauentriæ morari cogebatur, eo quod prædicti barbari Traiectensem ecclesiam vastassent. Nec derat ipsi prophetiæ spiritus. Nam inter alia prædixit Baldricum Ricfridi Comitis filium, sibi successurum, & Traiectum restauraturum. Habuit etiam sublimem visionem Deiparae Virginis, subsequen-

Ioan. 2.

sequentibus eam Tecla & Agne. Cūm autem longe ante presciret obitum suum, dubitare nemo potest, quin ardenti lucerna præparauerit se Domino, triticique mensuram Domini sui familiæ summa cum diligentia erogauerit. Tandem in pago trente febre correptus, iter habuit ad Octmarsum, ubi & sape manere solebat, & si sui permitterent, sepulturæ delegerat sibi locum. Illic ergo pro voto rebus suis compositis, mense Nouembri ad extrema tendente, ipse quoque felicissimè diem clausit extrellum, anno nongentesimo decimo septimo. Clertis autem & populus sanctum corpus Dauentriam perduxerunt, ubi multis miraculis & beneficijs claruit. Secundarium festum de translatione celebratur mense Iunio postridie beatæ Baptistæ.

a Descriptis ipsius multa recenset Arnodus Wion lib.
2. ligni vita cap. 54.

Die trigesima Nouembris.

10. De sancto Acca.

Ex vita Swiberti, ex Beda.

IN Anglia, sancti Accæ episcopi Lindisfarnerensis, & confessoris. Qui tertius nominatur inter Apostolicos presbyteros, qui ex Anglia tractum appulerunt ad Frisonum & Saxonum conuersiōnem. Sed in Angliam rediens ad consecrationem Swiberti, quem fratres Frisiae in episcopum elegerant, ibidem est retentus. & ad episcopatum Lindisfarnensem assumptus. Multa in eius laudem scripsit Beda libro quinto historiæ ecclesiasticæ, capite vigesimo primo & vigesimo, ut mirer eius natalen nos extare in Breuiario Eboracensi, sed colitur fortassis in episcopatu Cindidæ casa. Hac die eum notaui ex manuscriptis Martyrologijs Antonij Geni, quæ extant in Rubeæ vallis monasterio. Qui etiam addit eum eleuatum esse, cum Alkinundo episcopo.

2. De